

Na osnovu člana 24. i člana 26. stav 4. tačka a) Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08 i 76/11), te na osnovu članova 13 i 40 Statuta, Upravni odbor Fondacije „CENTAR ZA ZASTUPANJE GRAĐANSKIH INTERESA (CPI)“, na sjednici održanoj dana 18.05.2020. godine, u Sarajevu donosi novi

## STATUT

Fondacije „CENTAR ZA ZASTUPANJE GRAĐANSKIH INTERESA“,

### I OPĆE ODREDBE

#### Član 1.

- (1) Fondacija „CENTAR ZA ZASTUPANJE GRAĐANSKIH INTERESA“, (u daljem tekstu: Fondacija CPI) je nepolitička, nestranačka, nezavisna i neprofitna nevladina organizacija osnovana Odlukom o osnivanju, broj 02/09 od 09.01.2009.godine, u skladu sa Zakonom o udruženjima i fondacijama Bosne i Hercegovine (u daljem tekstu: Zakon).
- (2) Sva osnivačka prava Fondacije vrši Upravni odbor.

#### Član 2.

- (1) Statutom Fondacije se reguliraju:
  - a) naziv i sjedište Fondacije;
  - b) ciljevi i djelatnost Fondacije;
  - c) organi Fondacije, način njihovog izbora, nadležnost, kvorum, pravila glasanja te uslovi/procedure njihovog raspuštanja;
  - d) pravila upravljanja i upotrebe imovine Fondacije;
  - e) mogući korisnici sredstava Fondacije;
  - f) postupci za izmjenu i dopunu Statuta, kao i ovlasti i postupci donošenja ostalih općih akata;
  - g) uslovi i postupak za spajanje ili podjelu u drugu fondaciju i prestanak rada fondacije, uključujući i pravila glasanja za potreban poseban kvorum ili kvalificiranu većinu;
  - h) kriteriji za raspolaganje imovinom Fondacije u slučaju prestanka rada Fondacije;
  - i) opis oblika i sadržaja pečata Fondacije;

j) druga pitanja od značaja za rad Fondacije, u skladu sa Zakonom.

## II NAZIV I SJEDIŠTE FONDACIJE

### Član 3.

(1) Naziv Fondacije je:

Fondacija „CENTAR ZA ZASTUPANJE GRAĐANSKIH INTERESA“

Zaklada „CENTAR ZA ZASTUPANJE GRAĐANSKIH INTERESA“

Фондација „ЦЕНТАР ЗА ЗАСТУПАЊЕ ГРАЂАНСКИХ ИНТЕРЕСА“

(2) Skraćeni naziv:

„CPI“; „CPI“; „ЦПИ“

(3) Naziv na engleskom jeziku:

Foundation «Public Interest Advocacy Center»

### Član 4.

Sjedište Fondacije je u Sarajevu, Džemala Bijedića bb do 42

### Član 5.

(1) Fondacija je nevladina, nestranačka i neprofitna organizacija koja se bavi podrškom izgradnji civilnog društva i edukacijom kroz obuke profesionalaca i OCD, promocijom u pravcu jačanja građanske hrabrosti i građanskih inicijativa samostalno ili u saradnji sa državnim institucijama BiH, lokalnim i međunarodnim institucijama i organizacijama.

(2) Fondacija stiče svojstvo pravnog lica danom upisa u Registar fondacija kod Ministarstva pravde Bosne i Hercegovine.

### Član 6.

Fondacija djeluje na cijelom području Bosne i Hercegovine.

### III CILJEVI I DJELATNOST FONDACIJE

#### Član 7.

(1) Ciljevi i djelatnosti Fondacije su :

- Prikupljanje, obrada, analiza i objavljivanje podataka od interesa za građane;
- Identifikacija ekonomskih, socioloških, kulturoloških i drugih potreba građana;
- Organizovanje i podrška aktivnostima nevladinog sektora u pravcu jačanja svijesti i podizanja pažnje opšte javnosti o interesima građana;
- Analiza javnih politika i kreiranje alternativnih mjera javnih politika u skladu sa misijom i vizijom Fondacije;
- Pokretanje i promocija inovativnih modela/metoda i alata informisanja i animiranja građana;
- Uspostavljanje međusektorske saradnje između OCD, vlasti i predstavnika realnog sektora na aktivnostima značajnim za demokratski razvoj društva;
- Promocija poduzetnika i predstavnika privrede koji podržavaju aktivnosti i inicijative Fondacije,
- Poduzimanje informativnih, edukativnih i zagovaračkih aktivnosti, koristeći se modernim sredstvima komunikacije i različitim metodama promocije interesa građana.
- Promocija i edukativne aktivnosti iz raznih oblasti kojima se promovišu ljudska prava i građanske slobode,
- Kreiranje sadržaja na području kulture i umjetnosti
- Promocija i organiziranje okruglih stolova, seminara, radionica kao i kulturnih događaja i priredbi
- Pokretanje inicijativa i ideja (social hub) u formi društvenog centra u kojem se građani stječu nova znanja i primjenjuju ih u zajedničkom radu.

(2) Mogući korisnici sredstava Fondacije su:

- Svi građani BiH zainteresirani za pitanja razvoja društva i razvoj demokratskih odnosa;
- Svi građani, aktivni korisnici interneta, učesnici različitih foruma i drugih oblika elektronske komunikacije;
- Građani profesionalno vezani za sadržaje istraživanja, zagovaračkih kampanja/sadržaja i sadržaja Web stranice
- Građani koji ne koriste Internet, ali koriste druge javne medije posredstvom kojih će dobiti informacije vezane za naša istraživanja, zagovaračke kampanje ili infomacije objavljene na Web stranici Fondacije, kao i posredstvom sekundarnih događaja organizovanih u cilju popularizacije Web stranice ili organizovanja edukacija u sklopu projekata Fondacije.

#### Član 8.

(1) Fondacija može obavljati i druge djelatnosti koje su neposredno povezane sa ostvarivanjem ciljeva i djelatnosti Fondacije iz člana 7. ovog Statuta (izdavanje

- knjiga, brošura, biltena i drugih publikacija u području djelatnosti i ciljeva Fondacije).
- (2) Fondacija može obavljati izdavačke djelatnosti samo preko posebno osnovanog pravnog lica u skladu sa zakonom.
  - (3) Fondacija se može baviti edukativnim aktivnostima na komercijalnoj osnovi u skladu sa zakonom i ako dobijena sredstva koristi za ostvarivanje misije i vizije organizacije.

#### IV ORGANI FONDACIJE

##### Član 9.

(1) Organi Fondacije su:

- Upravni odbor
- Predsjednik Fondacije

##### Član 10.

Organ upravljanja Fondacijom je Upravni odbor.

##### Član 11.

- (1) Upravni odbor čini pet (5) članova, Predsjednik/ca Upravnog odbora i četiri člana.
- (2) Prvi sastav Upravnog odbora imenuje i razrješava osnivač Fondacije, a kasnije sastave bira i razrješava Upravni odbor.
- (3) Mandatni period Predsjednika/ce i članova Upravnog odbora traje 4 godine sa mogućnošću reizbora.
- (4) Prvog Predsjednika/cu Upravnog odbora Fondacije CPI imenuje osnivač, a sljedeće članovi Upravnog odbora Fondacije CPI biraju većinom glasova.

##### Član 12.

- (1) Predsjednik/ca Upravnog odbora obavlja sljedeće poslove:
  - a) saziva sjednice Upravnog odbora i predsjedava sjednicama;
  - b) potpisuje akte iz nadležnosti rada Upravnog odbora;
  - c) saraduje sa Predsjednikom/com Fondacije na realizaciji zaključaka i provođenju politike i ciljeva Fondacije;
  - d) obavlja i druge poslove za koje je ovlašten Statutom i drugim aktima Fondacije.

##### Član 13.

- (1) Upravni odbor Fondacije nadležan je za:

- a) donošenje Statuta, te izmjene i dopune Statuta;
- b) donošenje drugih akata utvrđenih Statutom;
- c) upravljanje imovinom Fondacije u skladu sa zakonom, Statutom i Godišnjim planom rada Fondacije;
- d) imenovanje Predsjednika/ce kao lica ovlaštenog za zastupanje i predstavljanje Fondacije;
- e) imenovanje i razrješenje članova Upravnog odbora
- f) ostvarivanje ciljeva i djelatnosti Fondacije;
- g) usvajanje Godišnjih narativnih, finansijskih i drugih izvještaja;
- h) usvajanje Godišnjeg plana rada Fondacije koji sadržava i finansijski plan;
- i) formiranje savjetodavnih grupa za razmatranje pitanja iz svoje djelatnosti;
- j) odlučivanje o svim drugim pitanjima koja nisu u nadležnosti drugih tijela Fondacije.

#### Član 14.

- (1) Sjednice Upravnog odbora Fondacije održavaju se šestomjesečno, a prema potrebi i češće.
- (2) Sjednice Upravnog odbora saziva Predsjednik/ca Upravnog odbora, najkasnije 15 dana prije zasjedanja.
- (3) Radom sjednice rukovodi Predsjednik/ca Upravnog odbora, a u slučaju njegove/njene odsutnosti može pismeno ovlastiti drugog člana Upravnog odbora da vodi sjednicu.
- (4) Zapisnik sa sjednice Upravnog odbora usvaja se na prvoj narednoj sjednici.

#### Član 15.

- (1) Sjednica može biti održana ukoliko je prisutna većina članova Upravnog odbora, odnosno najmanje 3 člana Upravnog odbora.
- (2) Članovi Upravnog odbora mogu na sastancima Upravnog odbora prisustvovati, učestvovati i glasati i putem telefona, faksa ili drugih elektronskih sredstava.
- (3) Upravni odbor donosi odluke većinom glasova od ukupnog broja članova Upravnog odbora, osim ako ovim Statutom ili zakonom nije drugačije propisano.
- (4) Sjednici Upravnog odbora treba prisustvovati predsjednik/ca Fondacije bez prava glasa.

#### Član 16.

- (1) Upravni odbor za svoj rad odgovara osnivaču Fondacije, kome podnosi izvještaj u pisanoj formi najmanje jednom godišnje, u pravilu krajem poslovne godine.
- (2) Osnivač može poništiti Odluku Upravnog odbora ukoliko procijeni da ista nije u skladu sa Zakonom ili ciljevima i djelatnostima Fondacije.

#### Član 17.

- (1) Članu i Predsjedniku/ci Upravnog odbora mandat može prestati prije isteka mandatnog perioda iz člana 11. ovog Statuta i to:
  - a) na vlastiti zahtjev;
  - b) ako ne obavlja svoju dužnost u skladu sa Statutom i zakonom;
  - c) u drugim slučajevima predviđenim zakonom;
- (2) Odluku o razrješenju s dužnosti člana Upravnog odbora donosi osnivač.
- (3) Osnivač će imenovati novog člana i Predsjednika/cu Upravnog odbora u roku od 15 dana od dana donošenja odluke o prestanku mandata člana Upravnog odbora, i to na period do isteka mandata člana Upravnog odbora koji je razriješen.

## 2. Predsjednik Fondacije

#### Član 18.

- (1) Fondacija ima Predsjednika.
- (2) Predsjednik rukovodi poslovanjem Fondacije i odgovara Upravnom odboru za zakonitost poslovanja Fondacije.
- (3) Predsjednika imenuje Upravni odbor.
- (4) Predsjednik se imenuje na 4 godine sa mogućnošću ponovnog imenovanja nakon pozitivne evaluacije rada Predsjednika od strane Upravnog odbora.

#### Član 19.

##### Nadležnost i djelokrug rada

- (1) Predsjednik/ca Fondacije obavlja sljedeće poslove:
  - a) predstavlja i zastupa Fondaciju;
  - b) izvršava odluke Upravnog odbora;
  - c) obezbjeđuje zakonitost materijalnog i finansijskog poslovanja Fondacije;
  - d) imenuje osoblje Fondacije, zaključuje ugovore o angažiranju osoblja ili vanjskih saradnika, te odlučuje o svim drugim pitanjima iz radno-pravnih odnosa;
  - e) rukovodi aktivnostima Fondacije te vrši evaluaciju ostvarenih aktivnosti u vezi sa ciljevima i djelatnostima Fondacije;

- f) predlaže za odabir i implementaciju projekte koji služe postizanju ciljeva Fondacije u skladu sa Statutom, Pravilnikom o radu Fondacije, općom politikom djelovanja Fondacije, te kriterijima utvrđenim u Godišnjem planu rada;
- g) operativno rukovodi finansijama Fondacije i projektnim sredstvima u skladu sa Statutom i projektnim ugovorima;
- h) ima obavezu da osigura da se sve finansijske transakcije Fondacije zaključuju prema pravičnoj tržišnoj vrijednosti, odnosno prema uslovima koji su povoljniji za Fondaciju;
- i) prisustvuje sjednicama Upravnog odbora;
- j) priprema i podnosi izvještaje o svom radu Upravnom odboru Fondacije na usvajanje;
- k) priprema i podnosi Upravnom odboru prijedlog Godišnjeg plana rada Fondacije;
- l) organizira saradnju sa medijima;
- m) upravlja organizacionim dijelovima Fondacije i radom uposlenika u skladu sa Pravilnicima o radu iz člana 13. tačka b) ovog Statuta;
- n) obavlja i druge poslove koje mu povjeri Upravni odbor u skladu sa zakonom i Statutom Fondacije.

#### Član 20.

- (1) Predsjedniku/ci mandat može prestati prije isteka mandatnog perioda iz člana 18. stava (4). ovog Statuta i to:
- a) na vlastiti zahtjev;
  - b) ako ne obavlja svoju dužnost u skladu sa Statutom i zakonom;
  - c) u drugim slučajevima predviđenim zakonom;

#### Član 21.

Upravni odbor će imenovati novog Predsjednika/cu u roku od 30 dana.

### 3. Organizacija rada Fondacije

#### Član 22.

Upravni odbor Fondacije na prijedlog Predsjednika/ce Fondacije usvaja akte kojima se uređuju organizaciona struktura Fondacije, njeni operativni dijelovi, osoblje i druga pitanja od važnosti za rad Fondacije. Upravni odbor Fondacije može donositi Pravilnike i poslovnike kojima bliže uređuje odnose i rad organa Fondacije, komisija i komiteta.

### V JAVNOST RADA FONDACIJE I NAKNADE ZA RAD

#### Član 23.

- (1) Rad Fondacije je javan.
- (2) Javnost rada ostvaruje se neposrednim informiranjem i putem sredstava javnog informiranja

#### Član 24.

- (1) Članovi Upravnog odbora trebaju biti redovno i istinito izvještavani o radu Fondacije.
- (2) Za javnost rada zadužen je Predsjednik/ca.

#### Član 25.

Upravni odbor Fondacije će na prijedlog Predsjednika/ce Fondacije donijeti Pravilnik o organizaciji i sistematizaciji poslova Fondacije, kojim će regulirati način, vrste i obim angažmana zaposlenika u skladu sa ovim Statutom i zakonom.

### VI UPRAVLJANJE IMOVINOM I KORIŠTENJE IMOVINE FONDACIJE

#### Član 26.

(1) Imovinu Fondacije čine:

- a) osnivački ulog;
- b) dobrovoljni prilozi i pokloni javnih institucija, fizičkih i pravnih osoba, kako inostranih tako i domaćih, u gotovini, uslugama ili imovini bilo koje vrste;
- c) državne subvencije i ugovori sa državama i drugim nivoima vlasti, javnim institucijama, fizičkim i pravnim osobama, kako domaćim tako i inostranim;
- d) prihod od kamate, dividendi, dobiti od kapitala, zakupnina, honorara i sličnih izvora pasivnog prihoda;
- e) prihod stečen kroz ostvarivanje ciljeva i aktivnosti Fondacije, drugi prihodi stečeni u skladu sa zakonom i Statutom.

#### Član 27.

Imovina Fondacije koristit će se za ostvarivanje programskih ciljeva utvrđenih Statutom Fondacije.

#### Član 28.

- (1) Fondacija ima bankovni račun.



(2) Fondacija je dužna da uredno vodi poslovne knjige u skladu sa općeprihvaćenim računovodstvenim principima i da sastavlja finansijske izvještaje u skladu sa zakonom.

(3) Fondacija raspolaže svojom imovinom u skladu sa Statutom i Zakonom

#### Član 29.

(1) Imovinom Fondacije upravlja Upravni odbor u skladu sa zakonom, Statutom i Godišnjim planom rada Fondacije, i to sa dužnom pažnjom i na odgovoran i zakonit način u najboljem interesu Fondacije.

(2) Okvirni godišnji plan sredstava Fondacije usvaja Upravni odbor Fondacije.

### VII ZASTUPANJE FONDACIJE

#### Član 30.

Fondaciju zastupa Predsjednik/ca Fondacije, u okviru ovlaštenja utvrđenih ovim Statutom i zakonom.

#### Član 31.

U postupcima u kojima Fondacija sudjeluje kao stranka radi ostvarivanja svojih prava, dužnosti i odgovornosti pred nadležnim organima, Predsjednik/ca Fondacije može dati pismenu punomoć za zastupanje advokatu ili drugoj stručnoj osobi.

### VIII PEČAT I ZNAK FONDACIJE

#### Član 32.

Fondacija ima pečat pravouganog oblika u koji je utisnut znak i puni naziv Fondacije na latiničnom pismu: Fondacija „CENTAR ZA ZASTUPANJE GRAĐANSKIH INTERESA“ Sarajevo.

#### Član 33.

Fondacija CPI ima znak koji se sastoji od slova C plave boje sa narandžastom tačkom u sredini, između krajeva slova C.

### VIII IZMJENE I DOPUNE STATUTA I DONOŠENJE DRUGIH OPĆIH AKATA

#### Član 34.

- (1) Statut, te njegove izmjene i dopune, donosi Upravni odbor dvotrećinskom većinom glasova od ukupnog broja članova.
- (2) Izmjene i dopune Statuta donose se po postupku njegovog usvajanja.

#### Član 35.

- (1) Fondacija može, pored Statuta, imati i druga opća akta.
- (2) Organi Fondacije donose opće akte Fondacije u skladu sa Zakonom i ovim statutom.

#### Član 36.

- (1) Fondacija može dodjeljivati zahvalnice, plakete te ostala slična priznanja i nagrade.
- (2) Priznanja i nagrade iz prethodnog stava se mogu dodijeliti fizičkim i pravnim licima koja su pružila poseban doprinos unapređenju rada Fondacije ili postizanju i promociji ciljeva za koje se Fondacija zalaže.
- (3) Odluku o dodjeli priznanja i nagrada donosi Upravni odbor Fondacije.
- (4) Kriteriji za dodjelu priznanja i nagrada će se regulirati posebnim aktom koji donosi Upravni odbor Fondacije.

### IX SPAJANJE ILI PODJELA I PRESTANAK FONDACIJE

#### Član 37.

- (1) Fondacija se može spojiti ili podijeliti u drugu Fondaciju ili prestati sa radom u skladu sa Zakonom.
- (2) Odluku o spajanju ili podijeli u drugu Fondaciju ili prestanku rada Fondacije donosi Upravni odbor natpolovičnom većinom glasova svih članova Upravnog odbora, uz saglasnost Osnivača Fondacije.

#### Član 38.

Fondacija može prestati sa radom dobrovoljno ili po sili zakona.

#### Član 39.

Fondacija prestaje sa radom dobrovoljno, na osnovu odluke osnivača Fondacije o prestanku rada Fondacije ili odluke Upravnog odbora o drugim statusnim promjenama Fondacije, u skladu sa članom 37. ovog Statuta.

#### Član 40.

Fondacija je dužna svaku statusnu promjenu prijaviti nadležnom ministarstvu u roku utvrđenom zakonom.

## X RASPOLAGANJE IMOVINOM U SLUČAJU PRESTANKA RADA FONDACIJE

### Član 41.

U slučaju prestanka rada Fondacije iz bilo kojih razloga najprije se izmiruju zakonske i ugovorene obaveze Fondacije, a sa ostatkom sredstava postupit će se prema odluci Upravnog odbora, koja se donosi natpolovičnom većinom glasova svih članova Upravnog odbora, uz saglasnost Osnivača Fondacije.

### Član 42.

- (1) Imovina koja preostane nakon izmirenja zakonskih i ugovornih obaveza Fondacije će se dodijeliti drugoj fondaciji u Bosni i Hercegovini, koja obavlja istu ili sličnu statutarnu djelatnost.
- (2) Odluku iz stava (1) ovog člana donosi Upravni odbor natpolovičnom većinom glasova svih članova Upravnog odbora, uz saglasnost Osnivača Fondacije.

Istovremeno sa odlukom o prestanku rada Fondacije Upravni odbor donosi plan likvidacije Fondacije, kojim se utvrđuje raspored imovine, prava i obaveze Fondacije.

Upravni odbor imenuje likvidatora Fondacije, čija je dužnost da se stara o izvršenju plana likvidacije i koji je ovlašten da zastupa Fondaciju u postupku likvidacije i u postupku podnošenja zahtijeva za prijavu prestanka rada Fondacije nadležnim organima.“

## XI PRELAZNE I ZAVRŠNE ODREDBE

### Član 43.

Tumačenje ovog Statuta daje Upravni odbor Fondacije.

### Član 44.

Ovaj Statut stupa na snagu danom donošenja. Stupanjem na snagu ovog Statuta prestaje da važi Statut Broj: 85/18 od 16.04.2018.godine.

Predsjednik Upravnog odbora

*Elvir Efendić*

Elvir Efendić



Sarajevo, 18.05.2020.godine

Broj: \_\_80\_/20

**OVJERAVA**

**Ministarstvo pravde Bosne i Hercegovine  
Sarajevo**

Broj: UP09-07-1-936/20  
Sarajevo, 01.09.2020. godine

**TAJNIK MINISTARSTVA**

**Zeljko Bogut**



Na osnovu člana 11 Statuta, Upravni odbor Fondacije „CENTAR ZA ZASTUPANJE GRAĐANSKIH INTERESA“ (u daljem tekstu: Fondacija), na sjednici održanoj 04.01.2021.godine u Sarajevu, donosi

## ODLUKU

### o izmjenama i dopunama Statuta Fondacije

#### Član 1.

Ovom Odlukom vrši se izmjena Statuta Fondacije broj 80/20 od 18.05.2020.godine na način kako slijedi:


U čl. 4 umjesto sadašnjeg teksta upisuje se novi koji glasi:

**Sjedište Fondacije je u Sarajevu, ulica Put života br.12.**

#### Član 2.

Ovaj Statut stupa na snagu danom donošenja.

Predsjednik Upravnog odbora



Elvir Efendić



U Sarajevu, 04.01.2021.godine

Broj: 09 /21

**OVJERAVA**

**Ministarstvo pravde Bosne i Hercegovine  
Sarajevo**

Broj: UP09-07-1-56/21  
Sarajevo, 04.03.2021. godine

**PO OVLAŠTENJU MINIS**

**Slavka Alagić**



Na osnovu člana 24. i člana 26. stav 4. tačka a) Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08 i 76/11), te na osnovu članova 13 i 40 Statuta, Upravni odbor Fondacije „CENTAR ZA ZASTUPANJE GRAĐANSKIH INTERESA (CPI)“, na sjednici održanoj dana 18.01.2023. godine, u Sarajevu donosi

## ODLUKU O IZMJENAMA I DOPUNAMA STATUTA

### Član 1.

U Statutu broj: 80/20 od 18.05.2020.godine (u daljem tekstu: Statut), u članu 9. postojeći tekst se mijenja tako da novi glasi:

- (1) Organi Fondacije su:
- Upravni odbor
  - Predsjednik/ca Fondacije
  - Izvršni direktor/ca

### Član 2.

U članu 13, tekst u tački d) se mijenja tako da novi glasi:

- d) imenovanje Predsjednika/ce i Izvršnog direktora kao lica ovlaštenih za zastupanje Fondacije u pravnom prometu;

### Član 3.

U članu 15 Statuta tačka 4) mijenja se i novi tekst glasi:

„Sjednici Upravnog odbora mora prisustvovati predsjednik/ca ili Izvršni direktor/ca Fondacije bez prava glasa“.

### Član 4.

Nakon člana 20. Statuta, dodaje se član 21A koji glasi:

Izvršni direktor Fondacije se bira na mandatni period od 4 godine i mandat mu se može produžiti. Izvršnog direktora bira i razrješava Upravni odbor.



Nadležnosti Izvršnog direktora su:

- Zastupa Fondaciju u pravnom prometu
- Učestvuje u predlaganju strateškog plana rada Fondacije
- Zastupa i predstavlja Fondaciju i donosi sve operativne odluke Fondacije u skladu sa odlukama Upravnog odbora, Predsjednikom, Statutom i zakonskim propisima
- Priprema godišnje budžete i izvještaje o aktivnostima Fondacije
- Predlaže materijale za sastanke UO
- Obnaša dužnost poslodavca, zapošljava, upravlja, evaluira i otpušta zaposlenike/ce, volontere/ke u konsultaciji sa Predsjednikom Fondacije
- Aktivno se angažuje na namicanju sredstava
- Kroz odnose sa javnošću aktivno promovira misiju i ciljeve Fondacije

Izvršnom direktoru /ci mandat može prestati prije isteka mandatnog perioda iz člana 18. stava (4). ovog Statuta i to:

- a) na vlastiti zahtjev;
- b) ako ne obavlja svoju dužnost u skladu sa Statutom i zakonom;
- c) u drugim slučajevima predviđenim zakonom;

#### **Član 5.**

U članu 24. Statuta u tački 2) mjenja se tekst tako da novi glasi:

„Za javnost rada zaduženi su Predsjednik/ca i Izvršni direktor/ica Fondacije.

#### **Član 6.**

U članu 30. Postojeći tekst mjenja se tako da novi glasi:

„Fondaciju zastupaju Predsjednik/ca i Izvršni direktor/ca Fondacije, u okviru ovlaštenja utvrđenih ovim Statutom i zakonom.

#### **Član 7.**

Ostale odredbe Statuta ostaju nepromjenjene.

Ova Odluka stupa na snagu danom donošenja, a njena primjena počinje nakon upisa promjena u registar udruženja i fondacija Ministarstva pravde Bosne i Hercegovine.

Predsjednik Upravnog odbora

*Elvir Efendić*

Elvir Efendić



Sarajevo, 18.01.2023.godine

Broj: 02 /23

**O V J E R A V A**

**Ministarstvo pravde Bosne i Hercegovine  
Sarajevo**

Broj: UP09-07-1-194/23  
Sarajevo, 22.02.2023. godine

**TAJNIK MINISTARSTVA**

*Zeljko Bogdan*  
**Zeljko Bogdan**

